

Bosna i Hercegovina
Federacija Bosne i Hercegovine



Bosnia and Herzegovina
Federation of Bosnia and Herzegovina

KANTON SARAJEVO
Kantonalna javna ustanova
za zaštićena prirodna područja

CANTON SARAJEVO
Cantonal Public Institution
for Protected Natural Areas

Broj: 03-330-1/25
Sarajevo, 25.04.2025. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
Ulica: Reisa Dž. Čauševića broj 1
71 000 Sarajevo

PREDMET: Odgovor na zastupničku inicijativu, dostavlja se

Dana 16.04.2025.godine Kantonalna javna ustanova za zaštićena prirodna područja je zaprimila dopis-Informaciju dostavljenu od strane Ministarstva komunalne privrede infrastrukture, prostornog uređenja, građenja i zaštite okoliša Kantona Sarajevo broj: 05-3-20-04-55454-163/23 od 09.04.2025.godine sa zastupničkom inicijativom zastupnika u Skupštini Kantona Sarajevo gosp. Čićić Davora.

Zastupnička inicijativa je upućena prema Vladi Kantona Sarajevo i Uredu za borbu protiv korupcije Kantona Sarajevo, a inicirano je donošenje odluke o formiranju javnog registra službenih automobila u vlasništvu institucija, ustanova i javnih preduzeća čiji je osnivač ili većinski vlasnik Kanton Sarajevo uz obrazloženje da u cilju transparentnog upravljanja i korištenja službenih automobila koji su u vlasništvu institucija, ustanova i javnih preduzeća čiji je osnivač Kanton Sarajevo se od strane Ureda za borbu protiv korupcije uspostavi registar svih navedenih službenih vozila javno dostupnih na web stranici Ureda, a na osnovu odluke koju bi donijela Vlada Kantona Sarajevo o formiranju pomenutog registra.

U kontekstu gore predložene zastupničke inicijative, dostavljamo sljedeći:

O d g o v o r

Kantonalna javna ustanova za zaštićena prirodna područja (u daljem tekstu: Javna ustanova) kao javna ustanova čiji je osnivač Kanton Sarajevo shodno članu 1. stav (1) Odluke o osnivanju Kantonalne javne ustanove za zaštićena prirodna područja ("Sl. novine Kantona Sarajevo", broj 31/17) u svrhu upravljanja zaštićenim prirodnim područjima Kantona Sarajevo i obavljanja poslova iz djelokruga svog rada nabavlja putem postupaka javnih nabavki i koristi službena vozila (putnička vozila i teretna vozila), motocikle, quvad, radne mašine (traktore sa prikolicama, komunalno vozilo za čišćenje), kao i turistički voz na elektro pogon u svrhu prevoza posjetilaca na području Zaštićenog pejzaža "Bijambare, te električno vozilo za prevoz posjetilaca.

U cilju obavljanja operativnih poslova na terenu tj. u obuhvatu zaštićenih prirodnih područja Kantona Sarajevo, od strane direktora je donesena Odluka o korištenju službenih vozila Kantonalne javne ustanove za zaštićena prirodna područja, pri čemu se vodilo računa o prirodi obavljanja poslova, zatim teritorijalnoj dislociranosti zaštićenih prirodnih područja (Spomenika prirode "Skakavac", Zaštićenog pejzaža "Bijambare", Spomenika prirode "Vrelo Bosne",

Zaštićenog pejzaža "Trebević" i Zaštićenog pejzaža "Bentbaša") u odnosu da prostorije direkcije uve javne ustanove u ulici Branilaca Sarajeva 28.

Javna ustanova kao pravno lice čiji je osnivač Kanton Sarajevo pozdravlja i podržava inicijativu gosp. Davora Čičića, te predlažemo da se pored službenih vozila u Registar uvrste i druga sredstva prevoza koja se koriste za obavljanje djelatnosti od strane institucija javnog sektora. Također, bi se na taj način vodilo računa o stvarnim potrebama institucija javnog sektora o nabavkama vozila, te o racionalnom korištenju javnih novčanih sredstava.

U prilogu Vam dostavljamo kopiju Odluke o korištenju vozila Kantonalne javne ustanove za zaštićena prirodna područja.

S poštovanjem,

Pripremila: Elma Reiz-Bešić, dipl.pravnik



Dostaviti:

1. Naslovu
2. Ministarstvu komunalne privrede, prostornog uređenja, građenja i zaštite okoliša Kantona Sarajevo,
2. Arhivi Javne ustanove